

corporali modo datum non fuerit, lignoque vitæ in temporali hacce vita frui non potuerit : nihilominus tamen Deus omnipotens ipsum, à morte sua, beauit, atque olco misericordiæ irrigauit, id quod tantum est, Deum æternum ipsi nunc omnia sua peccata, ex mera gratia & misericordia, condonasse, nec etiam in æternum amplius illorum recordaturum esse.

Secundo Deus omnipotens etiam spirituali modo Adamo lignum, vel panem, vitæ manducandum porrexit, illumque aqua vitæ potauit, vt in æternum nunc ipsum nulla amplius fames sitisque premi debeat: nunc primum siquidem ad summam gloriam & præstantiam peruenit, nec in æternum itidem nulla calamitas, ut pote fames, sitis, æstus, frigus, & id genus alia aduersa accidentia ipsi amplius metuenda sunt, quibus tamen nos miseri homines in temporali ac mortali hacce vita sumus obnoxij : In summa in omnem æternitatem ipsi nulla mors timenda, sed nunc coram Deo recte clarificatus, perfectus, sanctus & iustus est. Cogitemus, & recte perpendamus igitur, quod nullū præstantius, occultius, & sanctius Secretum humano generi à Deo umquam datum fuerit, quod humana ratione comprehendendi queat, quam æque commoratum illud misericordiæ oleum, & lignum vitæ, quod nobis ad animæ nostræ salutem æternamque beatitudinem inferuit, id quod etiam, præ cæteris Secretis omnibus, celebrandum laudandumque est. Simili quoque modo nullum præstantius, occultius, & sanctius arcanum hominibus à Deo umquam datus, quo homo in perturbato hocce mundo indigens suum corpus ab omnibus morbis & infirmitatibus tutum præstare, atque in

Ddd 2

omni